

author: Duroni, Giovanni
title: L'arcobaleno in d'on cumò : scene domestiche in un atto
shelfmark: COLL.IT.0008/0002/04
library: Biblioteca nazionale Braidense - Milano - IT-MI0185
identifier: MIL0653763

Le riproduzioni digitali accessibili dalla Biblioteca digitale italiana di www.internetculturale.it sono per la maggior parte di dominio pubblico, e provengono dalle attività di digitalizzazione realizzate dalle biblioteche che possiedono gli originali e la proprietà delle riproduzioni digitali, e sono istituzioni partner del portale.

La riutilizzazione non commerciale è libera e gratuita nel rispetto della normativa vigente.

Ai fini della riutilizzazione commerciale e/o per ottenere un documento ad alta definizione contattare il detentore dei diritti del bene digitale utilizzando nel Download del documento, il contatto di posta elettronica.

Gli utilizzatori finali dei beni digitali, sia che reproducano parzialmente o completamente le immagini, dovranno sempre e comunque citare la fonte www.internetculturale.it

.....

The digital reproductions accessible from the Italian Digital Library www.internetculturale.it are mostly of public domain, and come from the digitization activities carried out by the libraries that own the originals and are ownership of digital reproductions, and are Institutions partner of the portal.

The non-commercial re-use is free in accordance with the local regulations.

To allow commercial reuse and/or to obtain a high-definition document please, contact the copyright holder of the digital object using the contact e-mail you can find in the Download of the document.

The terms of use of the Internet Culturale material states that the final users that reproduce images or part of them must mention the source www.internetculturale.it

Alla Biblioteca di Brera Pintore
il 14 Marzo 1891 v.



REPERTORIO DEL TEATRO MILANESE

a Cent. 35 il fascicolo.

Fascicoli Pubblicati:

- Fasc. 1 *El zio scior*, commedia in tre atti di Camillo Cima.
- » 2 *On nivolon d'estaa*, commedia in tre atti di G. Bonzanini.
- » 3 *On pret scapusc*, commedia in quattro atti di C. Cima.
- » 4 *Ona notizia falsa*, commedia in due atti di G. Duroni.
- » 5 *El Togn fachin*, commedia in quattro atti di G. Bonzanini.
- » 6 *I fægh artificiaj*, commedia in un atto di Giovanni Duroni. — *Quarantott or*, commedia in un atto di Camillo Cima.
- » 7 *I duu matrimoni*, commedia in quattro atti di Cesare Tanzi.
- » 8 *El vuj mi*, commedia in due atti di Giacomo Bonzanini. — *El di de Sant Giorg*, farsa con coro e ballabile dello stesso.
- » 9 *I duu tabar*, commedia in tre atti di Camillo Cima.
- » 10 *I trii C e i trii D del bon gener*, commedia in quattro atti di Cletto Arrighi.
- » 11 *La donzella de cà Bellotta*, commedia in cinque atti di Camillo Cima.
- » 12 *El Marchett de Vaver*, commedia in tre atti di Camillo Cima.
- » 13 *I Fanagottoni*, commedia in quattro atti di Camillo Cima.

REPERTORIO DEL TEATRO MILANESE

Fascicolo 14.^o

www.internetculturale.it

L'ARCOBALENNO
IN D'ON CUMÒ

Scene domestiche in un atto

DI

GIOVANNI DURONI

PADER, FIEU E STEVENIN

COMEDIA IN UN ATTO

dello stesso



MILANO

CARLO BARBINI EDITORE

Via Chiaravalle N. 9

1871.

La rappresentazione di questa produzione è sottoposta al disposto dell'art. 13 della Legge 25 giugno 1865 N. 2337 ed all'art. 22 del relativo Regolamento 13 febbrajo 1867.

Tutti i diritti riservati.

Legge 25 giugno 1865, N. 2337.

L'Autore fa avvertiti i proprietari e i direttori delle compagnie drammatiche essere state ommesse nella stampa di questa commedia, alcune indicazioni riguardanti la posizione dei personaggi; alcuni brani aver subito modificazioni per la stampa, mentre, per la rappresentazione, vuole conservati esattamente quelli del manoscritto, più confacenti all'effetto della esposizione sul palco scenico; e quindi dichiara, ch'egli procederà in via giuridica contro qualunque s'arrogasse il diritto di rappresentarla, secondo questo dettato incompleto e variato della stampa, contravvenendo al disposto dall'articolo 12 della Legge 25 giugno, N. 2337, sui diritti d'autore.

Questa produzione è posta, per quanto riguarda la stampa, sotto la salvaguardia della legge 25 giugno 1865, N. 2337, quale proprietà dell'Editore **Carlo Barbini**.

Milano — Tipografia Golio, Via S. Pietro all'Orto N. 23.

A LEONE FORTIS

POETA E PUBBLICISTA CHIARISSIMO

PERCHÈ GIOVINETTO

NELL'UFFICIO DEL SUO PRIMO PUNGOLO

DOVE SI ADUNAVA IL FIORE

DELLA GIOVINE LETTERATURA LOMBARDA

AI TEMPI DELLA DOMINAZIONE STRANIERA

IMPARAI AD AMARE LA PATRIA

D. D.

L'ARCOBALENNO IN D'ON CUMO

PERSONAGGI

Battista, impiegaa,

Giovannina, soa miee,

Faustina, sorella de Giovannina.

Bigioeu, soa tosa.

Marianna, serva de Battista.

ATTO UNICO

Camera in casa di Battista, porte laterali, camino di fronte a destra e finestra a sinistra. Tavolo piccolo, armadio, diverse sedie ed oggetti di cucina vicino al camino. È sera. Sul tavolo vi sarà un lume acceso e della lingerie in lavoro abbandonata. All'alzarsi della tela si ode il tuono e si vede lampeggiare.

SCENA I.

Marianna seduta al tavolo, e **Bigioeu**
con un libro in mano.

BIG. Madonna, madonna che temporal che ven su. E pensala che g'hann minga adree nanca on'ombrella. Cossa gh'è vegnuu in ment anca alla mia mamma de andà via insemma alla zia Giovannina. *(tuona e comincia a piovere)*

MAR. Che slusciada che comencia a vegnì giò, vegnarann a cà masaraa come fonsc. Vegnesen almen indree prest, perchè a dì la veritaa comenci a vegh pavura.

BIG. Mi soo nò, l'è giamò on poo de temp che la zia Giovannina l'è semper rabbiada comè: ch'el sia el zio che le fà immatì?

MAR. (*vedendo lampeggiare*) Come mè da fastidi sta lusnada. E vegnen mai. L'ha bell pari a ridem adree el m'è Pinella per famm diventà spiritosa, ma infin di fin sont ona tosa e sont de compati se di volt me lassi ciappà della pavura. Che la leggja on poo, Bigieu.

BIG. Cossa hoo de legg?

MAR. On quaicossa per fa andà via la pavura.

BIG. (*apre il libro e legge*) « La leggenda narra che due anni dopo commesso il delitto, tutte le notti allorchè l'orologio del castello suonava mezzanotte, un ombra usciva dalla porta della gran torre e vagava nei dintorni, facendo echeggiare per l'aere lamentosi gemiti. »

MAR. (*con voce tremante per la paura*) L'ha propi dervì in del sit giust. (*tuona e un colpo di vento fa battere violentemente le imposte della finestra, spezzando i vetri con gran fracasso*)

BIG. (*spaventata grida*) Mamma, mamma!!

MAR. (*con gran spavento*) Ajut, ajut.

SCENA II.

Giovannina, Faustina e detti.

(*Giovannina e Faustina accorrendo*) Cosse gh'è, cossa è succeduu?

(*Marianna e Bigieu pieni di spavento*) È vegnuu denter quaichedun della finestra.

FAU. (*va ad osservare alla finestra*) Oh giust. Sii matt. L'è staa el vent che l'ha rotti i veder.

GIO. (*c. s.*) Sì, che l'è vera.

BIG. Perchè sii staa via inscì tant? Avii ditt che andavev domà de Don Antoni, e l'è quasi on'ora che sii via.

FAU. L'è minga on'ora v'è?

GIO. El gh'aveva gent e m'è toccaa de spettà.

MAR. E nun intanta s'emmm staa chì a tremà della paura.

GIO. Povera poporina. Va in lett che te mettet fastidi.

MAR. Hoo minga de stà su a fagh compagnia?

GIO. No, no, va che de la toa compagnia no soo cossa fann.

MAR. Ben voo. Felice notte a tucc. (*andando via*) Però cont sti lusnad staria su volentera.

FAU. e BIG. Sì ciao, dorma ben.

BIG. Vdi mamma, mi g'hoo sogn e diman mattina g'hoo de levà su a bonora a fà el dover, e poeu te see che g'hoo de scrivegh anca al Peppoeu che l'è giamò dò settimann che ghe scrivi minga.

FAU. Ah sì? Ben andemm. (*piano a Giovannina*) Quand la se sarà indormentada, cercaroo de torna chì.

GIO. (*c. s.*) Va ben.

BIG. Felice notte, zia.

Gio. Ciao. Või, mettegh anca i mè salut in su la lettera che te ghe scrivet al Peppoen.

Big. Sì.

FAU. (*prendendo un lume*) S'emm intes, dorma ben l...

Big. La speccia minga el zio?

Gio. (*sospirando*) Sì, el sta a momenti a vegnì a cà.

Big. Che la ghe daga la bonna nott. (*via con Faustina*)

SCENA III.

Giovannina sola.

Gio. (*togliendosi lo sciallo*) Che vita, che vita, Santissima Vergina! Sont chì masarada scorrenta per nagotta. Chi sa in dove el sarà casciaa. (*siede*) L'è propi vera ch'el signor al mond el vœur nissun de content. A pensalla che sera inscì felice dal dì che hoo sposaa el mè Battista finna ses mes fa. Adess magon, dispiasè de tutt i sort, hin i mè consolazion. Tutt el dì sarrada in cà mi de per mi in compagnia de quell bell tram d'ona serva. El ven a cà cinqu minut a disnà e pœu, fôra, fôra el scappa via comè ghe corriiss adree i lader. De sira pœu di volt, dovè cunta i dò, e magari

i trè, prima ch'el vegna a cà, con la musica in di orecc della donna de servizi che la rônfa compagn d'on granater: obligada a lassala andà in lett, se vuj minga vedemela a crodà del sogn denanz i oeucc. (*si ode un orologio suonare mezzanotte*) Mezzanott! Anca mò dò o tre or de speccia. (*prende il lavoro*) Pazienza! lavoraroo per fà passà el temp in pressa. (*lavora*) Già inanz inscì la pò minga andà, e diman andaroo de mia mader, che la penserà lee a mettegh remedi. Ho portaa la cros assee. Se el Signor el m'avess lassaa al mond quell'angiol d'on fiolin che l'era la mia consolazion, forsi chi sà ch'el mè Battista el saria minga deventaa inscì cattiv. (*tuona*) Sto temporal el pariva balcaa e adess invece el par ch'el faga pesc. E lu chissà in dove el sarà. (*lampi, tuoni e scoppio di fulmine*)

SCENA IV.

Marianna e detta.

MAR. (*entrando spaventata*) Ah signor! sura padrona, è s'cioppaa la saetta. Che la me lassa stà su. Mi g' hoo pavura a stà in lett quand gh'è su el temporal.

Gio. Spettacòl d'un spèttacòl. Te de vegh pau-

ra... Sta pur su! Croda minga a ris'c domà de borlà giò de la cadrega compagn dell'altra sira.

MAR. No, no, me mettaroo adree a fa la calzetta. *(prende la calza e siede dall'altra parte del tavolo)*

GIO. Va ben. Vôi quand el ven a cà lu, digh minga che sont stada via a cercall, neh?

MAR. Sì.

GIO. Comè sì? Hoo ditt de dighel nò.

MAR. No. Nanca s'el me domanda?

GIO. Ma sigura de no.

MAR. Ahn, va ben.

GIO. E questa l'è la mia solita compagnia. Dimm on poo, anca quand te seret al tò paes, te gh'avevet paura del temporal?

MAR. No. *(a poco a poco china la testa sul petto sotto il peso del sonno, dopo di averlo lasciato cadere due o tre volte)*

GIO. E perchè adess te ghet insci pagura?

MAR. *(sforzandosi di sollevare la testa)* Sì. *(ricade colla testa sul petto e si addormenta)*

GIO. *(scorgendola addormentata)* Ghe semm nun. Ecco, l'è giamò indormentada.

MAR. *(ruzza)*

GIO. E gh'è anca la solita musica. Se g'havess vœuja de smorbià la strusaria de fœura in su la terrazza sott alla slusciada. *(il temporale va*

diminuendo) L'è che me par ch'el temporal el sia balcaa on poo.

MAR. *(sognando)* Come te stet ben, car el mè Pinella vestii in parada. Se l'è domà per on basin, t'el foo.

GIO. Cara el m'è bacciucoeu che la v'è in amor. *(si odono due fortissimi colpi battuti alla porta di strada)* Oh Dio! L'è lu che picca. *(scuotendo Marianna)* Dessedet vôi.

MAR. *(svegliandosi di soprassalto)* Cosse gh'è? Sc' ioppaa on'altra saetta?

GIO. Sì, sì, la saetta. Fa prest che gh'è chi lu. Tragh giò la ciav de la porta ligada attacch al sugaman.

MAR. Comè? gh'è ch'el sur padron?

GIO. Ma sì, fa prest hoo ditt, tragh giò sta ciav.

MAR. Subit. *(prende la chiave sull'armadio, la stringe con un nodo di un asciugamani e poi si porta alla finestra)* L'è lu sur padron?

VOCE DALLA STRADA Sì, fa prest a tra giò sta ciav!

MAR. *(getta la chiave in istrada)* Ch'el tœuja!

GIO. Sent Marianna!... Te ghe diret che mi sont in lett, che me senti maa fina de in prima sira. Vuj minga dagh el gust de fagh vedè che anca sta sira sont stada su a specciall.

MAR. Comè? la me pienta ch'el de per mi?

GIO. Sent che l'ha sbattuu la porta! Digh quell che t'hoo ditt. *(via)*

SCENA V.

Marianna indi Battista.

MAR. L'è bella però! La m'ha lassaa mi in di pettol. Cosse ghe entri mi? Calla ch'el sia rabbiaa comè el solit... Stoo poch a scappà via anca mi adess. *(si ode una forte strappata di campanello)* L'ho dit mi che l'è rabbiaa; se capiss de la manera ch'el tira el campanin. *(prendendo il lume ed andando ad aprire)* Vegni, vegni!

BAT. *(entrando seguito da Marianna)* T'ee sarraa l'uss?

MAR. Sì!

BAT. *(non vedendo Giovannina)* In dove l'è lee?

MAR. Chi?

BAT. *(impazientandosi)* La padrona, martuff!

MAR. Che maniera...

BAT. *(c. s.)* In dove l'è lee, hoo ditt! Parli todesch? La padrona.

MAR. La padrona? L'è andada de là adess in stanza de lett, e l'ha m'ha ditt de digh che l'è andada in lett fina de in prima sira perchè la se sentiva maa.

BAT. Ah sì? Va ben. La sta su a curamm e pœu la vœur minga famel savè, va benone....

MAR. Ei sur padron!

BAT. *(secco)* Cosse gh'è.

MAR. La ghe vœur ben vedel la padrona.

BAT. *(c. s.)* Cosse te set mai ti.

MAR. La piang semper quand el sta via tard; in sta sira pœu l'è vegnuda a torna a cercall insemma alla sura Faustina.

BAT. *(irritato)* L'è vegnuda attorna a cercamm?

MAR. Oh! povera mi che la m'aveva ditt de dighel no!

BAT. La t'aveva ditt de dimel minga? *(batte un pugno sulla tavola e rovescia una tazza e una bottiglia che cadendo in terra si spezzano)* Va benone: ghe faroo imparà mi a vegnì anca a famm la ronda. T'ee faa ben a dimel, inscì mi adess torni via e vedaremm se la g'ha el fidegh san de vegnimmi adree anca adess a spionà in dove voo. *(battendo ancora un pugno sul tavolo)* Vedaremm! *(per avviarsi)*

SCENA VI.

Giovannina, Faustina e detti.

Gio. *(entrando)* Battista coss'han de dì i vesin sul noster cunt... Comè? te tornet via? L'è minga giamò tard assee?

FAU. (*entrando*) Cosse l'è sto frecass?

BAT. (*a Giovannina*) Comè, te set minga in lett ammalada? Sì torni via per vedè se te set bonna de vegnim adree a fa la ronda... insemma chì a sto polizzaj. Parli con lee, sura cugnada... (*a Faustina*)

GIO. (*dando uno sguardo significante a Marianna*)
Va ben, hoo capii! Ti Marianna va in lett!
(*con tuono risentito*)

MAR. (*evitando d'incontrare lo sguardo di Giovannina*) Sì voo subit... (*da sè*) L'è mèj che me la cava. De già che g'hoo quasi sogn, (*sbadi-glia*) e de già che cessaa el tron e la lusa-nada.

GIO. (*c. s.*) Hoo de ditel on'altra volta?

MAR. Voo, voo. (*via*)

SCENA VII.

Giovannina, Battista e Faustina.

FAU. (*a Battista*) De già che te m'ee daa del polizzaj, comè cugnada, gh'hoo diritto de parlà... Se sont andada adree alla Giovannina, l'è staa per no lassalla andà de per lee comè ona matta disperada, a ris'c de fass capità on quaj coss, per andà a tórna a cercà on omm che

in fin di fin el merita nanca de regordass ch'el ghe sia al mend.

BAT. La preghi, la mia cara donna, de tegnì de dent el pezzœu, sè de no ghe faroo vegnì in ment quell tal proverbi.

GIO. Ma Battista!

FAU. Brutto paisan!

BAT. Che la faga piasè che la vaga in cà soa, se la vœur minga che la ciappa per on brascieu e che la cascia fœura de l'uss. Quest l'è el vantagg che se gh'ha a stà in la porta insemma ai parent...

FAU. Che se le scalda pur minga! Voo.... Ma gh'hoo l'onor de digh che se nol fuss staa per mia sorella, chissà se gh'avaria pondaa on pè in sta cà chì; ch'el staga sicur che ghe torni pù... Ti Giovannina regordes però che per ti el mè uss l'è semper avert.

BAT. La doveva sparmì de vegnì chì anca adess.

FAU. Sont vegnuda per vedè cosse l'era sto frecass, perchè tutt i nott semm a quella, e mi hoo giamò sentii i vesin a dì che l'è on toch d'ona vergogna.

GIO. Cara Madonna.

FAU. Se fudess mi la mia sorella, o che sì o che no el me trattaria inscì: l'è perchè l'ha trovaa ona povera diavola bona come el pan.

BAT. Insomma la va via sì, o no?

Gio. (*supplichevole*) Faustina!
 FAU. Adess che ghe n'hoo ditt quatter, voo.
 BAT. Che la faga minga el *bis* on altra volta...
 la mia cara lobbata.
 FAU. Insolent! Giovannina ti t'ee capii. (*via*)

SCENA VIII.

Battista e Giovannina.

BAT. (*fischia un' arietta e si avvicina all'uscio*)
 Adess tocca a ti eh? a famm ona parlada
commovente. (*risoluto*) Sì! vuj tornà via! Insci
 te impararet a vegnim a cercà e famm fà la
 figura de ridicol in faccia ai amis, come fu-
 dess vun de quij marì cioecon che ghe corr
 adree i miee zabett a cercai dent per i ostarj.
 (*per andare*)
 Gio. (*sbarrandogli la porta*) Oh! ti te andaret
 minga via!... Se el tò stat el te permett minga
 forsi de sbassatt a andà per i ostarj a ciappà
 la ciocca, chi sa che no te vaghet in d'on
 quaj sit pesc, in dove forsi la povera miee la
 podaria minga vegnit a cercà senza vegnì
 rossa...
 BAT. (*scherzando*) L'hoo ditt mi che vegnevem
 alla parlada *commovente*... Tegnela minga

tanto longa perchè mi g'hoo minga el bon
 temp.
 Gio. El bon temp?... E la santa pazienza che
 g'hoo avuu mi...
 BAT. (*sedendosi impaziente a cavallo d'una sedia*)
 Uff!
 Gio. Sì, la santa pazienza! L'è ses mes che sof-
 foghi el magon. L'è ses mes che sopporti la
 toa indifferenza, perchè in sti ses mes no t'ee faa
 che tegnì la toa cà come ona locanda per dormì
 dò o trè or per nott, perchè qui cinqu minut
 che te vegnet a disnà, quand te vegnet, g'hoo
 el diritto de cuntai minga, perchè l'è rar che
 te se degnet de parlà.
 BAT. (*accendendo il zigaro*) Va pur inanz! De
 già che vedi ch'el panegirich l'è lòngh, pizzi
 el zigher.
 Gio. Sì, scherzem pur, ma mi voo inanz anca senza
 dimel. Alla nott, pœu, intanta che mi sont
 sù a specciat cont el cœur s'cagliaa...
 BAT. (*interrompendola*) Chi sà che cœur s'cagliaa?
 Gio. Già ti te gh'ee nanca on poo de riguard!
 Quand serem spos, te se regordaret che ona
 nott mi, la mia povera mamma e i mè sorell,
 serem sù a speccià el noster pover pader in-
 tanta che l'era adree a morì all'ospital per
 on colp che gh'era vegnuu in strada...
 BAT. Me regordi, me regordi. Ma te raccomandi

de andà minga a cercà di malinconj cont el lanternin.

Gio. Ah! te pretendet di legrj eh? Ma te see nò che tutt i nòtt che stoo su a specciat, me ven semper in la ment quella disgrazia, intanta che ti forsi chi sa che no te siet adree a fagh compagnia a quavuna che me robba el mè post.

BAT. (*alzandosi con forza*) Finalment te see bôrlada fœura a damm l'occasion de ditt on quaicossa che masteghi de tanto temp. Ah te mettet inanz i pee per no bôrlà giò, eh?

Gio. Cosse l'è che te se dee d'intend de dî?

BAT. Che te dimandet pagn al campee! che te me fet la gelosa, quand invece saria mi che dovaria ciammat cunt d'on certo tal che se ved tutt i mattin a passeggià sotta a sti finester.

Gio. Battista! (*irritata*) Ma ti adess te me offendet...

BAT. Ah! Te offendi? L'è per mi ch'el passeggia (*prendendola per un braccio*) l'Enrico, el moros che te gh'avevet prima che mi te sposass?

Gio. (*svincolandosi*) L'è minga vera, questa chì l'è ona tua scusa. Ti tel set che l'è on esser che disprezzi: on giovin che m'ha pientaa mi per sposà ona sciora. L'è ona storia che te set a memoria.

BAT. Te se daret forsi d'intend de dimel a mi, perchè t' hoo sposaa con qui quatter sold de dota?

Gio. Battista! ti te vee de mal in pesc... Fa minga finta de regordat nò che mi t'hoo semper stimaa cent volt pussee de quell che var la mia dota.

BAT. Ah! Te m'ee semper stimaa? Adess però te me stimet pù, eh?

Gio. Se te voeut che sia sincera, senza mancà ai mè dover de miee onesta, ghe tegni minga tant comè ona volta ai tò premur.

BAT. (*con marcata ironia*) Perchè gh'è el primm amor che spasseggia... ma...

Gio. (*interrompendolo*) Fenissela cont sta reson che l'è on infamitaa!

BAT. Te tocchi sul viv, eh!

Gio. Fenissela hoo ditt!... Te se trovaret pentii de avemm tratta in sta manera.

BAT. Vedaremm chi l'è che se trovarà pentii de nun duu... Intanta te avvisi che mi diman voo via de Milan.

Gio. Ah sì?

BAT. Voo a Genova eppœu m'imbarchi per l'America.

Gio. Se t'el diset a posta per vedemm a piang, te sbaliet el monton!

BAT. Te credet ch'el disa inscì de rid? Ai tre

or te sentiret el Tili, el m'è compagn d'uffizi, ch'el ven a ciamamm perchè el ven via in-semma...

Gio. El Tili? *(sorpresa)*

BAT. Sì propi el Tili, cosse gh'è de dì?

Gio. Nient! Sent, puttost che te abbiet de seguità a maltrattamm, va pure e guarda de vess sicur che vegna anca el Tili, che inscì el te farà ona compagnia de ver amis.... Adess hoo capii chi l'è che ha inventaa la storia de quell che passeggia.

BAT. Te rincress minga? tanto mej!.... Te me jutaret a preparà el baull.

Gio. *(con ira mal simulata)* Cont cent man se ghi avess.

BAT. Benone allora! *(va alla porta che mette alla camera di Marianna e chiama)* Marianna! Marianna, Marianna hoo ditt! *(getta una sedia dentro l'uscio che cade con gran fracasso)*

Gio. Ma cosse han de dì i vesin?

MAR. *(di dentro spaventata)* Ah! Signor! Ancamò el temporal?

BAT. Leva sù, marmotta! E tirem giò la cappellera che gh'è in su la guardarobba.

MAR. *(sempre di dentro)* Comè, van via de Milan?

BAT. Fa prest hoo ditt, tanghen!

MAR. *(c. s.)* Subit, subit, che nol se dubita....

Che manera.

BAT. Donca adess tiraroo foeura la mia robba.

Gio. Fa pur come te voeut....

BAT. Mi diman voo in l'America. *(apre un baule)*

Gio. E mi andaroo a cà della mia mamma.

BAT. Allora vemm propi intes! *(apre i cumò e comincia a tirar fuori la biancheria)* Quand poeu saront a post, scrivaroo al Tribunal perchè l'abbia de spartim legalment.

Gio. Te faret come te comoda. *(lo aiuta)*

BAT. *(con dispetto)* Come me comoda? E va benone. *(con rabbia apre un altro cassellone e levando degli abiti con furia vede cadere un pacchetto)* Cosse l'è sta roba? *(prende il pacchetto caduto)* Hin i ritratt. *(per deporli sopra i panni)*

Gio. *(per carpirglieli)* I mè l'è inutil che ti portet via!

BAT. *(ritirando la mano con il pacchetto)* Hin minga domà i tò. L'è el gròpp ch'emm faa fà l'ann passaa...

Gio. El gròpp? Allora gh'è anca el noster bambin....

BAT. *(impressionato)* El noster bambin?

Gio. *(asciugandosi una lagrima)* Sì, el noster bambin, che s'el ghe fuss al mond anmò el saria la mia consolazion in mezz a tanti fastidi.

BAT. *(commosso osservando il ritratto)* Pover el

mè Ernestin!... A guardagh el par domà ch'el derva quell car bocchin per ciamà papà.... E qui manitt?... Come el rideva quand el me tirava i barbis.

GIO. E quand el te corriva in contra all'ora del disnà a ditt: papà l'è cotta la pappa.

BAT. *(deponendo sopra il cumò il pacchetto)* Pover bambin.... Che bej moment.... ma!

GIO. Come serem content.... ma!

BAT. E adess perchè semm inscì cambiaa?

GIO. Te set staa ti con la toa indifferenza.

BAT. O puttost ti cont el tò brontolà, se vegneva a cà dopo i noeu or de sira.

GIO. Perchè te voreva ben.

BAT. E mi te voreva maa forsi se stava via on guard'ora de pù cont i amis, dopo de vess staa all'uffizzi tutt'el dì.

GIO. Se fudessen staa domà i amis avaria mai ditt nagotta....

BAT. Ma se l'hoo ditt mi ch'el tò maa l'era la gelosia.... *(avvicinandosi)* Se te giurass che dopo che t'hoo sposada t'hoo mai faa on intort, te podariet giuramel anca ti?

GIO. *(con trasporto)* Minga vun, ma poss fatt mila giurament e sulla memoria del noster Ernestin.

BAT. E quell che passeggiava?

GIO. Te giuri che l'hoo mai vist!

BAT. Propi?

SCENA IX.

Marianna e detti.

MAR. *(mezza vestita portando la cappelliera)* Ecco chi la cappellera.

GIO. *(scuotendosi)* La cappellera? *(a Battista con un sospiro)* Oh! l'è vera che te vee via....

BAT. *(guarda Giovannina e poi volgendosi a Marianna)* Torna a mett la cappellera in su la guardarobba, che adess voo via pù.

GIO. Oh Battista!

MAR. *(ritirandosi)* Sta cà chì la me par ona gabbia de matt...

BAT. Giovannina! Te diree pù che mi foo l'indifferent?

GIO. Basta che ti t'abbiet de vegnì a cà on guard'ora prima tutt i sir.

BAT. Magara on'ora.

GIO. E adess?

BAT. Adess andemm in lett che l'è tard, e preghemm la provvidenza che la ne daga on alter bambin, bon, bell comè el car Ernestin ch'è mort....

GIO. Ch'el sarà quell che me tegnarà in pas per tutta la vita.

BAT. E regordemes semper, che in d'ona brutta

sira, chi m'ha faa vegnì in ment i bej temp
della vita ch'emmm passaa... *(prendendo il pac-
chetto dei ritratti)* l'è staa sto tesor trovaa dent
in del cumò che comè l'arcobalenno l'è ve-
gnuu fœura a temp per fà che cessass el noster
temporal.

FINE.

PADER, FIOEU E STEVENIN

PERSONAGGI

Carlo, possidente,

Giacom, so fioeu,

Stevenin, so pupillo.

Domenich, cugnaa de Carlo.

Teresoeu, serva.

Luisa, portinara.

ATTO UNICO

Camera decentemente ammobiliata : porte laterali e una
nel mezzo che mette alla cucina.

SCENA PRIMA.

Carlo e Teresœu.

CAR. (*passeggiando per la camera*) Teresœu! Te
set pœustada de bon finna alla posta a vedè
se gh'era ona quaj lettera?

TER. In dove aveva de andà forsi? Ch'el senta,
sur padron, el dovaria fà ona bella robba.

CAR. Cosse l'è? Sentimm.

TER. Che 'l guarda.. Gh'è ben i portaletter che
va intorna, eh?

CAR. Alter che! Han minga de vessegh?

TER. Ben, allora el podaria minga sparmì de fà
corr la povera donna de servizi a tœu i sò
scartafass?

CAR. Se te mandi ti, l'è perchè vuj avegh subit

i letter che me riva, perchè i portaletter o riven con l'ultima corsa o i desmenteghen in la borsa.

TER. El pò ben dì che l'è per no dagh la bonaman a Natal e a Faraost.

CAR. Cossa l'è sta libertaa de vegnì a criticà in cà mia? Se te comoda l'è inscì, brutta cinciapetta, se de nò, la porta l'è averta.

TER. Quella nœuva! L'è chì lu con la soa porta averta; ma ch'el tegna a ment, questa ch'è l'ultima volta che me le dis....

CAR. Sì? Cossa te fet cunt de fà?

TER. Adess el vedarà. *(esce dalla porta a sinistra)*

SCENA II.

Carlo indi ancora **Teresœu**.

CAR. La me par matta, a mi: chissà cossa la se dà d'intend de dì.... L'è però bella, corpo de Bio Turco, che ona sprella l'abbia de dàss l'aria de famm di osservazion... Ma, e quj alter che gh'è via, che se insognen nanca de scriv almen ona riga. E sì ch'el par ona robba

impossibila che se poda ciapà gust a stà in vigilatura cont sto caligo ch'è vegnuu giò....

Basta, se per diman g'hoo minga letter, faroo ona scappada mi finna a Colmegna.

TER. *(entrando con scialle al collo e con un fardello sul braccio)* Sur padron, ch'el faga piasè a giustamm el cunt del mes che mi adess viaggi...

CAR. Com'è? ma a ti te gira el coo: in dove l'è che te vœut andà?

TER. Oh bella! voo a cà mia in Borgh, finna che avaroo trovaa on alter padron.

CAR. Te torni a dì che te diventet matta! Piantamm chi, mi de per mi adess che ha de rivà mè cugnaa, el Giacom mè fioeu, e pœu anca el Stevenin?

TER. Domà?... on poo ancamò ch'el ne disa, vegnarà a Milan tutta la comunitaa de Colmegna... l'ha faa ben a dimmel, inscì voo via pussee ben.

CAR. Là, là, Teresœu, te cressaroo on quaj cossa... Sta chì, se pœu ghe sarà on poo tropp de fà, te jutarà la portinara.

TER. Mi no, mi no... Dopo pœu se in del servj
...ghe calarà ona quaj cialada, me toccarà de
...senti la solita canzon: la porta l'è averta,
la porta l'è averta... Se le disess domà all'in-
verno, pazienza! podaria cred che ghe fà maa
l'aria in del coppin.
CAR. Ma te set ben che mi sont furios... Adess
mincioni no... Sent, se te vee minga via te
mandaroo pù nanca a tœu i letter, va ben?
TER. *(levando lo scialle)* Ben, per fagh vedè, pœu,
che sont tutt alter che cattiva, me fermi per
no lassall in d'on imbroj...
CAR. Brava Terescœu... Me par che ghe sia chi
quaichedun... guarda on poo?

SCENA III.

Domenich, Giacom, Stevenin e detti.

DOM. *(entrando con berretto da viaggio in testa,
valigia in mano, seguito da Giacomo pure in
abito da viaggio, e Stefanino goffamente vestito
con una gabbia contenente un merlo)* Semm
nun, car el mè Carlo, come te stet?

GIA. Ciao papà, te stee ben ancamò?
STE. Leverissi sur zio, mi stoo ben de salut, ma
g'hoo un poo frecc.... El g'ha frecc anca lu,
sur zio?
TER. *(fra sè)* Oh! che bell compliment!
CAR. Mi stoo benone. Ma, vialter vedii, corpo
de Bio Turco, ghe n'avii quatter sulla pell.
STE. *(levandosi il cappello e guardandolo)* Mi vedel,
sur zio ghe n'hoo nanca vun, mi.
CAR. De cossa?
STE. De quj robb in sul cappell. . Ch'el guarda
(gli mostra il cappello)
CAR. Oh! Hoo ditt inscì che sont rabbiaa perchè
sii vegnuu a Milan a tradiment, senza scrivem
ona riga.
STE. Ahn!... adess capissi.
CAR. *(agli altri)* Vialter avii capii?
DOM. Alter che capii, ma adess te cuntaroo come
l'è stada...
GIA. T'el diroo mi, papà.... Avevem fissaa de
vegnì via lunedì che ven, e de scrivet injer
per avvisat; ma siccome che injer mattina è
vegnuu on caligo maladett, emm pensaa in-
vece de fà i gamb in sta mattina.

DOM. Hemm faa sù sach e fusella impressa impressa, e semm vegnuu a Milan, a fat l'improvisada.

STE. Sigura, e mi g'hoo portaa sto bell merlo, zio. *(mostrando la gabbia)*

CAR. Grazia. *(da sè)* Che sort d'on tulipan che l'è vegnuu... Ma mettii giò i voster robb in tanta... avii faa colezion?

DOM. Sì, l'emm fada sul vapor del lagh...

GIA. Emm mangiaa di œuv in cereghin...

STE. E anca el merlo, zio, l'ha mangiaa...

CAR. *(con un po' di collera)* Ah sì? A furia de mangià el deventarà on bell merlott, Stevenin...

TER. *(da sè)* Che bella maggia!

CAR. Ma donca mettii giò sta robba... *(gli altri eseguono)* E ti Terescœu, va giò in la portinara a digh che la vegna dessora, che insci la te darà ona man a mett alla via i stanz; alla porta starà attent sò mari intant ch'el tira el späg.

TER. Va ben, voo. *(guardando Stevenin)* Come l'è bell, l'è propi de catà. *(via)*

STE. *(guardando con passione dietro a Teresa)* E l

gha reson el fioeu del secrista de Colmegna de di che a Milan gh'è i bej tosann...

DOM. E che spongen a andagh attach, el te l'ha minga ditt?

CAR. Ben, ten ben a ment, neh Stevenin e guar-deten ben.

STE. Sì, zio...

GIA. Bravo!

STE. Ehi zio! el me lassarà andà a messa in quell geson in dove gh'è tucc qui cà brusaa?

CAR. Ma indovè? Che cà brusaa?

STE. Sì, là ataccaa, indove, gh'è tutt quj ass in pee, e che ghè finna quella strada lunga quattada con l'ombrella de veder... ch'emm vist in del passà...

DOM. Ahn, el vœur di la galaria. *(Stevenin va a giuocare)*

CAR. Adess capissi, corpo de Bio Turco! *(a Domenico)* Ma vôi, perchè te m'ee mai dit che l'era insci ona scima?

DOM. *(a Carlo)* L'è staa per fatt on'improvisada... Insci te imparet a vegh la smania de fà el tutor prima de cognoss chi l'è che te ciapet in tutela.

38

PADER, FIOEU E STEVENIN

GIA. L'è quell che disi anmì....

CAR. Che l'haa raccomandaa tant quella bon'a-nima de soa mader... toa sorella. (a Domenico)

GIA. Ehmim!

CAR. Cossa gh'è? Quaicoss de dî?

GIA. Nagotta.... Me dœur on poo la gola...

CAR. Tœu giò dell'oli....

STE. (che stava giuocando col merlo) Ahja!

(Tutti meno Stevenin) Cossè l'è?

STE. El merlo el m'ha daa ona beccada, el merlo.

GIA. L'avarà creduu che te ghe dasset el pi-gnœu....

SCENA IV.

Teresœu, Luisa, Portinara e detti.

LUI. (entrando) Sont chi, sur Carlo... Sont andata intesa mi cont el mè omm, e sont a soa disposizion...

CAR. Brava.... Animo donca Teresœu, mettiv adree a preparà i stanz, e vialter andee a mett a post la vostra robba: ve adattarii alla

39

ATTO UNICO

bell'e mei, inscì impararii on'altra volta a vegnì giò all'improvvisa... Dopo pœu vegnii de là a bev on gott de brœud.... (a Teresa) Ti pœu ven in cusina, che combinaremm per el disnà.

TER. Va ben! (prende la valigia di Domenico e la consegna a Luisa) Che la tœuja sura Luisa, che la porta questa.

LUI. Cià.

TER. (agli arrivati) E lor che vegnen chi con mi.

DOM. Andemm.

GIA. Vôi, l'è bella la mia stanza nœuva?

CAR. Adess te la vedarett.

DOM. Andemm, Stevenin.

STE. Vegni. Ei zio leverissi (tutti seguono Teresa, meno Carlo)

DOM. Sì, ciao.

SCENA V.

Carlo indi Teresœu.

CAR. (che avrà seguito cogli occhi Stefanino) Corpo de Bio Turco... Sont staa on gran gamber anca

mi a guardagh mai adree a quell fioeu: doveva ben pensà che on dì o l'alter el me saria borlaa sui spall... Però mi me par impossibil che l'abbia poduu vegnì su insci on maghigia.... Basta, adess che l'hoo ciappaa, bisogna che m'el tegna.... Se me rincresess minga a toccà i mè car maranghitt che hoo sconduu quand è vegnuu el cors forzos, el mandaria in d'on quai sit lontan a studià... *(pensa)* O ben, ghe pensaroo.

TER. Ei, sur padron. *(entrando)* Ch'el me daga i daneee, che andaroo a tœu la robba che cala per el disnà... la portinara l'è in cusina, l'ha mettuu sù la bôja, e pœu la g'ha tiraa el coll a ona gaina.

CAR. Chi l'è che gha daa sto ordin?

TER. Ghe l'hoo da mi... El credeva de fà seusà domà quell poo de carna per cinqu o ses personn?

CAR. Se poteva fà rostì di œuv....

TER. Ben, insomma adess l'è fada: ch'el me daga di danee donca; se hoo de comprà quai-cossa a compiment de sto disnà.

CAR. *(Carlo leva un biglietto d'un franco dal portamonete e lo dà a Teresa)* Tœu, là, ma guarda de fà economia; spendel minga tutt.

TER. Cercaroo de fà el possibil.

CAR. Va ben, e adess voo mi de là a vedè cosse fa la portinara e pœu a dagh sto brœud a quji ch'è rivaa... *(via dalla porta di mezzo)*

SCENA VI.

Teresœu indi Stevenin.

TER. *(mettendosi lo scialle)* No, no, l'è minga el mè sit in cà de sto usarari... El m'ha daa on franch e pœu el g'ha avuu cœur de dimm de spendel minga tutt; g'han de stà allegher, se se vœur, sti sò parent. *(guardando la gabbia del merlo)* E quell pedocca de quell sur Stevenin che ha portaa a Milan sto merlo, che bell modell de pippa..... Pover besticœu! el g'ha nanca denter ona grana de mej... chissà come el g'ha famm. *(fruga nelle tasche)* On poo vedè se g'hoo chi di freguj de pan de dagh? Sì... Tœu, ciccio. *(fa per imbeccare il merlo)*

STE. *(entrando e vedendo Teresa vicino alla gab-
bia)* Ehi! Ehi! che la me spôngia no el mè
merlo....

TER. Oh che spavent! Gh'el mangi minga vedel..
ghe dava de mangià perchè el g'ha famm. *(ciò
dicendo si avvicina a Stefanino)*

STE. No, no, che la me vegna minga a tach, che
g'hoo pagura mi...

TER. Pagura de cossa?

STE. Che la me spôngia.... L'ha ditt el zio...

TER. L'ha ditt el zio che mi spôngi?

STE. Sì, l'è domà a Colmegna che spongen
minga. *(stando sempre indietro)*

TER. Comè el g'ha ditt inscì el zio? Oh, pover
tabalœuri! e lu l'ha bevuda su eh? Ch'el ve-
gna chi, ch'el tocca on poo sta man, el sen-
tirà se g'hoo la pell d'ortich. *(gli porge la
mano)*

STE. Mi no, e pœu? *(esitante)*

TER. Ma ch'el se faga spirit. *(gli prende la
mano)*

STE. Cribbi! l'è minga vera che la spông, l'è
minga. Allora el gh'aveva reson el fioeu del

secrista de Colmegna de dì che a Milan gh'era
i bej tosann.

TER. Ah sì? *(ritirando la mano)* Ehi, ch'el me
disa on poo: L'è vera che a Colmegna gh'è i
ratt inscì gross?

STE. Alterchè! On dì, vedela, on ratton gross
inscì *(accennando colla mano)* a momenti el
me mangiava el mè merlo; e se no gh'era el
fioeu del secrista a fal scappà me le mangiava
propi, me le mangiava...

TER. Sto fioeu del secrista l'è el sò angiol cu-
stod, a quell ch'hoo sentii...

STE. Propi inscì... Ona volta el m'ha salvaa anca
la vita.

TER. Ah sì? Come l'è stada?

STE. Ohe? L'è stada che serem in sul lagh denter
in d'ona barchetta e pescavem tutt e duu
adree alla riva, lu cont on ret, e mi cont la
tirlindanna... Domà che hoo sentii a taccà l'a-
niscioeu a on erbasc, e mi credend che el fuss
on lusc, tira, tira finna che me s'è s'ciappaa
la tirlindanna in duu, e siccome che mi s'era
sulla punta della barchetta, sont borlaa giò

come on salamm denter in del lagh, e me sont bagnaa tutt, me sont bagnaa.

TER. Oh! pover fioeu!

STE. E allora el Gioachimm l'è saltaa denter, el m'ha ciappaa per el croatin, ch'è inscì, e li el m'ha tiraa fœura dell'acqua, el m'ha tiraa...

TER. Che bravo tœs... Donca gh'aveva reson mi de d'è che l'era el sò angioli custod... E pœu el g'ha faa anca de maester, s'el g'ha insegnaa che a Milan gh'è i bej tosann.

STE. E pœu el m'ha insegnaa on'altra robba.

TER. E cossa l'è?

STE. (*avvicinandosi a Teresœu*) El m'ha insegnaa anca come se fà a fà l'amor...

TER. Ah s'è! ma in che maniera?

STE. Prima de tutt el m'ha ditt che se fa inscì, el m'ha ditt. (*fa per abbracciarla*)

SCENA VII.

Luisa e detti.

LUI. (*entrando*) Ma, o Teresœu; la grassa e i scigolett per fà el stuaa j'ha già tolt?

TER. Ah povera mi! Sigura, bisogna che corra...

LUI. Comè? L'ha ancamò de andà?

STE. Perchè? La comanda lee forsi?

TER. Citto, citto che no senta el sur Carlo....

Adess voo, corri... che la ghe disa nagotta, nehn Luisa...

LUI. Mi no; cossa hoo de digh?

TER. Va ben, voo. (*via*)

LUI. (*a Stevenin*) Leverissi (*avviandosi alla cucina*)

Adess, a mi, a dighel al sur Carlo che la Teresa la se fa brascià su dal sò fioeu. (*via*)

SCENA VIII.

Stevenin solo.

STE. Come me piasaria a fà l'amor con la serva del zio.... Ma g' hoo paura che el zio el me ciappa per i orecc come fava el maester de Colmegna.... (*andando vicino alla gabbia del merlo*) Guarda, el mè ciccio come el fa el crott... Pover bestioeu, mi disi ch'el g'ha frece, mi disi... El portaroo là in stanza al cald.

(*prende la gabbia*) Pover merlo te gh'ee frecc-
vera? (*via dalla porta sinistra*).

SCENA IX.

Carlo e Luisa.

CAR. (*entrando seguito da Luisa*) Ma la dis de
bon che quella brutta sciavattœura la ghe
stanzia a mè fioeu?

LUI. Che santa Luzzia la me tœuja la vista se
l'è minga vera che i hoo vist mi cont i mè
œucc a brascias su ch'è inscì...

CAR. El me par finna ona robba impossibila,
corpo de Bio Turco, che on mè fioeu l'abbia
de perdes a fà l'amor cont ona sprella.

LUI. L'è che la sarà stada lee, vedel, che l'avarà
tentaa... L'ha faa inscì anca con di alter...

CAR. Schiva! alla lontana subit. Hoo faa maa a
lassala minga andà via... Nanca per insogn
che mi voebbia tegnimm in cà on pericol de
quella sort... Quand la ven a cà la mandi via
in men de quella.

LUI. Ch'el senta, sur Carlo: caso mai el voress
sparmì de tœunn on'altra, ch'el faga pur cunt
de mi.

CAR. Sì, ma lee, come la vœur fà che la g'ha de
tend anca alla porta?

LUI. Ghe faroo tend de mè mari...

CAR. Ben, ben, vedaremm... adess intant comin-
ciaroo a andà a dagh la romanzina a mè fioeu;
dopo disnaa pœu rangiaroo i cunt cont la Te-
resa... lee che la torna dessora subit, nehn.
(*via dalla porta sinistra*)

SCENA X.

Luisa indi Teresa.

LUI. Se el vegness del parer de tegnimm mi a
servì, che bella robba ch'el saria; hasta che
quella sciguetta d'ona Tesesa l'avess propi de
andà via... (*leva di tasca un pugno di riso*) Che
bell ris che gh'è in sta cà ch'è; sfidi mi, el com-
praran a on sach per volta... Se avess poduu
immaginamm incoeu, metteva su l'altra socca

cont i saccoce pussee fonduu... *(leva dall'altra tasca un pezzo di formaggio)* E sto granon chi come l'è bell e l'è propi de quell che fila.... se me fermi chi a servì vuj rinforzagh el stomagh al mè Battista.

TER. *(entrando)* Sont chi.

LUI. *(nascondendo in fretta il formaggio, da sè)* Cribbi, a momenti foo maron.... *(a Teresa)* L'è chi? brava: mi adess voo debass on momentin e pœu vegni subit.... Che la ghe daga on œucc intanta ai cassirœul. *(via)*

SCENA XI.

Teresa indi Carlo.

TER. Me ven in ment ancamò de rid per quella scenna ch'el m'ha faa quell bell modell de pippa de quell sur Stevenin... Basta! andemm in cusinna a vedè sti cassirœul. *(fa per avviarsi in cucina ed è trattenuta da Carlo che esce dalla porta a sinistra)*

CAR. Che la se ferma on poo on moment, la mia sciora...

TER. La mia sciora? *(da sè)* Chi per aria gh'è ona quaj luna noeuva. Coss'el comanda?

CAR. Comandi, corpo de Bio Turco, che te abbiet de tend per el fatt tò e minga fà la sciguetta coi fioeu di tò padron.

TER. Che sciguetta! Che fioeu di padron! Ma lu el se insogna de vestiss d'angiol...

CAR. Me insogni tant, che hoo savuu assee..... adess va in cusinna, dopo disnaa pœu, rangierem i cunt.

TER. Ben, ben, va ben; semm intes. *(da sè)* Ah birbonna d'ona portinara, te m'ee faa la tila, te daroo mi el cinqu e mezz in sulla ghigna. *(via)*

SCENA XII.

Carlo indi Stevenin, Domenich e Giacom.

CAR. *(andando a sedersi allo scrittojo)* Brutta sfaciada! adess a bon cunt ghe prepararoo i sò danee, perchè se di volt mai incœu quand la licenzi l'avess de vorè andà via addritura com-

pagn de sta mattina, ghe doo quell che ghe devi, perchè già mi no vuj vedella d'alter su per l'uss.

DOM. (dall'interno) Là, tas Stevenin, disperet nò che t'en compraremm on alter...

GIA. (c. s.) Ma te ghe minga vergogna a piang per on merlo?

STE. (entrando seguito da Domenico e Giacomo) Ih, ih, m'è mort el merlo, zio... Ih... me l'aveva regalaa la tosa del secrista.

DOM. Figuret ti, Carlo, chi l'è che ghe ne impò, se finna d'injer mattina l'è senza mej e senza on gottin d'acqua...

STE. Me sont regordaa pù, me sont...

GIA. Là, là, tas, che el zio te ne comprerà on alter. Vera ti? (a Carlo)

CAR. Corpo de-Bio Turco, inscì che n'avaremm in cà duu, invece de vun.

STE. El vœur forsi fall imbalsamà quell'alter?

DOM. Sent Carlo, mi adess voraria andà a vedè on poo i novitaa de Milan: se però a ti te fà nagotta, e vegnaremm indree per l'ora del disnà.

CAR. Sì, andee pur. (a Giacomo) Ti però fermet on moment che hoo de ditt quaicossa anmò su quell'affare che te see...

GIA. Va ben. (agli altri) Specciemmm in gallaria.

DOM. Semm intes... Andemm Stevenin.

STE. Vegni... Leverissi zio; me le comprerà el merlo, vera?

DOM. Sì, sì andemm. A rivèderci. (via con Stefanino)

SCENA XIII.

Carlo e Giacom.

CAR. Donca te savaret che in sto dopo disnaa, mi licenzi la Teresa: quest el te servirà de prœuva che, anca ben che ti t'abbiet negaa quell che m'han ditt, mi tœuji i mè misur a temp...

CAR. Ti te set padron de fà quell che te vœuret: ma regordet che te fee on'ingiustizia.

GIA. Già, on'ingiustizia... Vergogna! on fioeu del tò casato, fà l'amor cont ona sprella... Fortuna che mi sont on omm che ghe ved... Adess voo

de là in cusina, a vedè se di volt mai quell
poch de bon d'ona soa fiamma (*sostenuto*)
no l'abbia de famm ona quaj vendetta in del
mangià. Lu, s'el vœur andà a spass, ch'el
vaga pur. (*via*)

SCENA XIV.

Giacom indi Luisa.

GIA. Va benone.... Ma l'è propi bella quella de
vorè ostinass che mi foo l'amor con la Te-
resa... g'hoo alter in ment mi.

LUI. (*con una lettera in mano*) El gh'è no el pa-
dronzin?

GIA. Che padronzin?

LUI. El fioeu del sur Carlo.

GIA. Sont ben mi.

LUI. Comè, l'è lu?

GIA. Sì, propi mi.

LUI. Oh bell, allora hoo sbagliaa... (*da sé*) Quand
hin vegnuu a stà chì a sant Michee eren in
campagna...

GIA. A fa cossa?

LUI. Nient... credeva che el fuss quell'alter ch'è
vegnuu a Milan con la gabbia del merlo.

GIA. No, no... quell là l'è... (*da sé*) Basta, le sà
mè pader cossa l'è... Ma insomma che la me
disa on poo cossa la vœur de mi?

LUI. (*gli dà la lettera*) G'hoo sta lettera chì de
dagh in di sò man.

GIA. Grazia. (*guarda la soprascritta*) Ahi!

LUI. Coss'el g'ha?

GIA. Nient, m'è vegnuu el ranf in d'ona gamba.

LUI. L'ha bisogn che ghe la frega?

GIA. No, no grazia!

LUI. Ben, con permess allora: mi voo là in cu-
sinna perchè el sò papà el me speciarà.

GIA. Che la vaga pur. (*Luisa via*)

SCENA XV.

Giacom solo indi Teresa.

GIA. Porco can! sta lettera chì la me secca on
poo la scuffia; l'è della Verginietta. Vedemm

on poo cosse la dis (*legge*) Nagotta!! Calaria anca quella. (*legge ad alta voce*) « Mostro in-
 « fame! È questo il modo di mantenere i tuoi
 « giuramenti fatti sacrosanti a me. Sono già
 « un mese che io ho più la croce di un quattrino,
 « io vedo altro che delle chiacchiere. Ricor-
 « dati che io l'affitto al padrone non l'ho an-
 « cor pagato, e se per oggi tu non mi mandi
 « o porti 200 franchi, io verrò da tè, ombra
 « sdegnata in faccia al tremendo tuo padre a
 « pientarti un pugnale in l'anima in premio
 « de tuoi giudeschi tradimenti. Virginia. »
 Acqua de belegotti! Ma quella spiritada là l'è
 bonna de vegnì de bon se mi ghe doo minga
 i dusent franch: soo per cossa podi spendela.
 Indove hoo de andà a tœuj, mi g'hoo nanca la
 crôs d'on ghell. Hoo faa on bell noll anmì,
 a taccamm a quella sanguetta... Ma chî, sach
 forment, bisogna pensà a trovà i danee. (*pas-
 seggia per la camera quindi si ferma davanti
 allo scrittoio*). Se gh'avess però on poo de co-
 ragg i danee hin già bej e che trovaa. Guarda
 quanta furbaria el g'ha l'omm in certi moment;

ogni roba che ghe se presenta sott ai œucc, le
 trœuva util per el sò fin, anca cattiv. Ecco chî
 ona foresetta ch'el par che la me disa. No
 te ghet che de ciappamm in man. Ma sì,
 infin l'è tutta robba mia instess: la batt de
 dagh on poo de leva a sto cassett. (*prende le
 forbici e con quelle cerca di forzare il cassetto
 dello scrittojo*)

TER. (*fermandosi sulla porta*). Oh! cossa vedi mai
 mi... Ah S. Ustorg, l'è adree a dagh la leva
 al cassett indove el g'ha dent i danee el pa-
 dron... (*si avvicina in punta di piedi a Giacomo
 e gli batte con una mano la spalla*). Bella robba
 che l'è adree a fà, sur Giacom.

GIA. (*tutto sconcertato per la sorpresa*) Comè? Ti
 Teresa? Ma cossa te credet che fasess?

TER. Nient.... l'era adree a sforzà la sarradura
 per robà i danee al sò papà.

GIA. Tas, tas Teresa, per l'amor di Dio...

TER. Bej robb! A ris'c de mandà in bordell on
 quaidun per lader, perchè so papà l'avaria
 mai pu poduu immaginass che chi gh'aveva
 robaa i danee l'era el sò fioeu...

GIA. Teresa, citto! vosa nò: di nient perchè se mè pader el ven a savell mi sont on fieu perduu.... (*inginocchiandosi*) Insomma te preghi ch' in genœucc.

SCENA XVI.

Carlo, Luisa e detti.

CAR. (*entra tenendo per un' orecchia Luisa, e vedendo Giacomo in ginocchio davanti a Teresa, fa un moto di sorpresa e lascia andare l'orecchio di Luisa*) Corpo de Bio Turco, adess v'hoo catta...

GIA. (*alzandosi confuso*) Povera mi, adess stoo fresch...

LUI. (*da sè*) Che maron ch' ho faa. Se podess scappà.

TER. Cossa gh'è de nœuv adess?

CAR. (*a Luisa*) Lee che la comencia a andà fœura di pee, intanta che l'è a temp, e che la ringrazia sto equinozi che ch' in, perchè se de nò gh' avaria faa fà la scala in d' on salt sol...

inscì la impararà a ônges i saccocc cont el mè lard on'altra volta.

LUI. Ah! sur Carlo, ch' el me faga minga del maa per l'amor di Dio... l'è perchè el me calava per fà la minestra. (*piange e nel levarsi di tasca il fazzoletto le cade in terra un pezzo di formaggio*)

CAR. (*raccogliendo il formaggio*) Anca el mè granon la me robava? (*prende per un braccio Luisa e la spinge fuori della porta*) Aria, brutta ladra! parlaroo pœu mi cont chi se dev...

LUI. (*andando fuori dell'uscio*) Ch' el me faga minga del maa.

SCENA XVII.

Carlo, Giacom, Teresa, indi Domenich e Stevenin.

CAR. Adess a nun. Adess podarii pu sconfondem col d' che l'è minga vera... Corpo de Bio Turco! (*a Teresa*) Brutta monega falsa, scaldagh el coo al mè fieu.... fagh l'amor, guastamel!

Strasciona che te set... ma te see minga che m'è fioeu l'è on scior?

TER. Sur padron, chel vaga minga tant innanz.

El sò fioeu l'è on scior, l'è vera, ma però....

CAR. Ma però ti te vorevet forsi caparrat ona pension.

TER. Sur padron!

GIA. Per l'amor di Dio, citto Teresa!

TER. (da sé) Già ch'è bisogna salvall. (in fretta a Giacomo) L'è mej ch'el passa per moros, che nè per lader.

CAR. Cossa l'è che te gh'ee ditt?

TER. Gh'oo ditt ch'el me difenda. Sel savess lu sur padron che invece de maltrattamm, el dovaria basà la terra in dove metti i pee.

CAR. De sora pù, brutta sfacciada.

TER. (a Giacomo) Ch'el parla lu, l'è minga vera forsi?

GIA. Per caritaa! (piano a Teresa)

TER. Ma sì ch'el disa lu se l'è minga vera, che fina quand sont vegnuda ch'è l'ha subit cercaa che mi ghe voress ben, e che mi hoo mai vorsuu, eh? l'è vera sì o no? (Giacomo

accenna di sì colla testa) L'è che lu l'ha seguitaa a scrivem letter d'amor anca da Colmegna che mi hoo mai voruu rispondegh. Ma, ma, insomma ch'el parla, l'è vera sì o no?

GIA. Sì, l'è vera.

CAR. (a Teresa) Ah te gh'avevet i letter alla posta e te se favet inscì rincress a andà per mi?

TER. El fava per dagh el color ai polpett.

CAR. Basta! Però el mè dover de pader l'è quell de tœu i mè misur. (a Giacomo) Ti te tornaree a Colmegna. (a Teresa) E ti te capiret che bisogna che te manda via....

STE. (entrando seguito da Domenico) Perchè le manda via che sont innamoraa?

CAR. Com'è? Anca ti?

DOM. Caro ti, e che brus che l'ha ciappaa. No gh'è staa bellezz de Milan che l'abbien poduu destœu de seguità a parlà della Teresa.

CAR. Hoo faa on bell noll a tirà in cà quella sciguetta.

TER. Ben, mi voo. Che di sò fioeu e di sò nevod so minga cosse fann.

STE. (*battendo i piedi*) Mi vuj fà l'amor, mi vuj fà l'amor.

CAR. Te vœut on' oreggiada?

STE. Mi nò? Che me le daga per miee...

DOM. On'altra pussee bella.

GIA. Ch'el senta papà. Capissi che mi sont staa on fioeu indegn a trattà come hoo tratta, ma l'è anca vera che la Teresœu l'ha mai voruu dà a trà ai mè ciacer.

CAR. Te gh'ee el coragg de parlà anca mò?

GIA. Ma ch'el me lassa fenì. Mi però sont innamoraa mort de la Teresa, sì l'è vera: ma foo stoo sacrifici! Che ghè le daga per miee al Stevenin, e a mi ch'el me daga di danee per andà a fà on viaggett che me farà passà la passion: inscì quand torni indree trovan-
dela sposa d'on alter, saront fœura de pericol.

TER. Oh!

STE. Oh cara!

CAR. Ma te gira i mezzanitt. Però speccia (*da sè*) Me convegnaria: al Stevenin ghe doo ona mamma e mi me tegni mitaa di sò danee.

(*a Teresa*) Cossa t'en diset, Teresœu, te pia-

saria andà a Colmegna a fà la vita de sciorretta e guardagh adree ai fondi chì del Stevenin?

TER. Perchè nò? (*da sè*) Infin faroo la sciora: l'è on poo tabalœuri el spôs, ma ghe pensaroo mi a trall fœura.

STE. Sicchè? (*battendo le mani*) A Colmegna se faremm insegnà dal fioeu del secrista a fà l'amor...

TER. Ghe n'avaremm minga de bisogn.

CAR. (*a Domenico*) Cossa ten diset ti?

DOM. Te see ti el padron.

CAR. (*c. s.*) Va là che se la cavem d'on fastidi grass. Sicchè, allora resta combinaa?

TER. Combinatissim.

GIA. E i danee a mi per el viagg?

CAR. T' i daroo diman mattina.

GIA. Va ben (*da sè*) Inscì duseret lira ghi portaroo alla Verginia e pœu ghe doo on bell pienton.

CAR. Donca adess semm tucc content. Ti Teresa per incœu adattet anca mò a fà la cœnga e feniss de fà el disnà, ma te mettaree giò ona possada anca per ti, ben intes!

61 PADER, FIOEU E STEVENIN

TER. Va ben, ch'el lassa fà, me mettaroo a tach
al mè spôs.

STE. Cara, cara.

TER. E lu sur Giacom ch'el mantegna la pa-
rola: quand el torna indree del sò viagg ch'el
se lassa ciappà pù de certi tentazion, perchè
se stavolta gh'emm mettuu ona pezza, cont
el fà la mia fortuna, on'altra volta podariem
trovà pu de tila bonna.

FINE.